




ՀԱՂՈՐԴԱԳՐՈՒԹԻՒՆ

Սոյն թուականի Յունիսի 12—15 օրերին Մայր Աթոռ Ս. Էջմիածնում գումարուեց Խաղաղութեան Քրիստոնէական Կոնֆերանսի «Մերձաւոր Արեւելք» ենթա-լանձնաժողովի տարեկան նստաշրջանը, որին մասնակցում էին Չեխոսլովակիայից, Յորդանանից, Ռումինիայից, Արևմտեան Գերմանիայից, Յունաստանից, Թունիսից, Ռուսաստանից, Արևելյան Գերմանիայից, Միացեալ Նահանգներից, Լեհաստանից և Բուլղարիայից ժամանած տարբեր Եկեղեցիների շուրջ երեսուն հոգևորական և աշխարհական ներկայացուցիչներ:

Նստաշրջանին իրենց մասնակցութիւնն էին քերում Խաղաղութեան Քրիստոնէական Կոնֆերանսի փոխ-նախագահ դոկտ. Գերհարդ Բասարալը և ԽՔԿ-ի Պրագայի կենտրոնում Ռուս Եկեղեցու մշտական ներկայացուցիչ հայր Գեորգի Գոնչարովը:

Նստաշրջանի աշխատանքներին մասնակցում էր նաև Հայց. Առաքելական Եկեղեցին իր ներկայացուցիչներով:

Ժողովի նշանաբանն էր՝ «Արդարութիւն պաղեստինցի ժողովրդին»:

Նստաշրջանի բացումը կատարեց Տ. Տ. Վազգէն Ա. Ամենայն Հայոց Վեհափառ Հայրապետը աղօթքով և ողջոյնի խօսքով:

Ժողովի երեք օրերի ընթացքում մասնակիցները գործարար և համերաշխ մթնոլորտում քննարկեցին Մերձաւոր Արևելքի կրօնական, քաղաքական, տնտեսական և հասարակական կեանքի իրավիճակը՝ հաստատելով Մերձաւոր Արևելքի տագնապի շուտափոյթ լուծման անհրաժեշտութիւնը խաղաղ ճանապարհով:

Ժողովի նիստերին նախագահեց և Մերձաւոր Արևելքի հարցերին նուիրուած զեկուցումով հանդէս եկաւ Մայր Աթոռի դիւանապետ Տ. Ներսէս արքեպիսկոպոս Պոզապալեանը:

Յունիսի 14-ին, կիրակի օրը, ժողովականները Մայր տաճարում ներկայ եղան ս. պատարագի արարողութեանը: Նոյն օրը յետ միջօրէին նրանք այցելեցին Ա. Գեղարդի վանք և ապա Սևանայ լիւն:

Յունիսի 15-ին, Գստաշրջանի աւարտին, ժողովի մասնակիցներն ընդունեցին երկու փաստաթուղթ.

ա. Հաղորդագրութիւն, որ բովանդակում է ժողովի ընթացքը և արծարծուած խնդիրները.

բ. Խաղաղութեան Քրիստոնէական Կոնֆերանսի Գործադիր Կոմիտէին յղուած Մերձաւոր Արևելքի տագնապի լուծմանը վերաբերող 6 կէտերից բաղկացած լանձնարարականներ, որոնցից մէկը վերաբերում է Հայկական Ցեղասպանութեանը:

Յունիսի 15-ին, երեկոյեան, Երևանի «Արմենիա» հիւրանոցում, Հայկ. ՍՍՀ Մինիստրների Խորհրդին առընթեր Հայ Եկեղեցու գործերի խորհուրդը Գստաշրջանի մասնակիցների պատուին կազմակերպեց պաշտօնական ճաշկերոյթ:

Ճաշկերոյթին ներկայ էին Ամենայն Հայոց Վեհափառ Հայրապետը, Հայ Եկեղեցու գործերի խորհրդի նախագահ Տիար Ստեփան Վարդանեանը՝ իր տեղակալներով, Գերագոյն Հոգևոր Խորհրդի անդամները, Մայր Աթոռի եպիսկոպոսաց դասը և ժողովի բոլոր մասնակիցները:

Յունիսի 16-ին մեծարգոյ ժողովականները հրաժեշտ տուեցին Վեհափառ Հայրապետին և մեկնեցին Մայր Աթոռից լաւագոյն տպաւորութիւններով:

ԴԻԻԱՆ ՄԱՅՐ ԱԹՈՐԻ

Ս. Էջմիածին,
18 Յունիս 1987 թ.

